



Tir Yimiyim

www.tiryimiyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimiyim@gmail.com

TAPAK 3

Yangia anidakangma :



Tir Yimiyim



tiryimiyim@aolima



tir yimiyim

TAPAK 7

India-i Bangladesh nung atalokba nungji tansütsüla: Mehbooba Mufti

Nüburtem süngjema alitsü kanga ajungshir: Muhammad Yunus

VOL. XXI ISSUE NO. 296 (ADOK 296)

DIMAPUR

YANGTEPNÜ (THURSDAY)

LUROI (AUGUST) 08, 2024

₹ 5.00

Nagaland Police nung yi ajemertem merenshitsu

Dimapur, August 7, 2024 (TYO): Director General of Police, Nagaland Rupin Sharma, IPS-i police dang uniform nung lia aser yimjak nung yi majemtsü tetuyuba agütsüogo.

Nagaland police ketdangsürtemi uniform nung yi ajemba osangtem angazüker aser iba ya tim masüba mapa ka dang masü saka Police Department atema tenüng menük bentsür arur, ta DGP Rupin Sharma-i ashi.

Tang nungi Police personnel kar danga yimjak nung mesüra uniform agir yi agi mesepa jemer senzüba putetra disciplinary action agitsü. Inyakyim nung aibelenba putetra mapa nungi anentsütsü ta DGP Nagaland-isa ashi.

Yi ajemertem annual increments agütsüba nung, promotion aser CPT mapang nung tetsükdaktsü ajurutsü ta Rupin Sharma-isa metetdaktsüogo.

Centre-i Assam, Karnataka, Himachal nem NDRF teimba lemozüksü

New Delhi August 7, 2024 (Agencies): Centre-i tesüiba küm ana tsüngda Karnataka, Himachal Pradesh aser Assam nem National Disaster Response Fund (NDRF) teimtiba lemozüksüogo.

Bodbarnü iba osang ya Rajya Sabha nung metetdaktsü aser ali lendong balala atema relief aser rehabilitation atema sen agütsü.

Karnataka nem Rs 941 crore, Himachal Pradesh nem Rs 873 crore aser Assam nem Rs 594 crore agütsütsü mulunga agizük. Iba ya tüzümsüng aser anentsüh lendong atema liasü ta Union Minister of State for Home Nityanand Rai-i ashi.

Tesüiba küm ana tsüngda NDRF nungi Karnataka nem Rs 939 crore, Himachal Pradesh nem Rs 812 crore aser Assam nem Rs 160 crore agütsüogo ta Rai-isa ashi.

Maneni, Tamil Nadu nem tüzümsüng aser yipru atema Rs 276 crore, Sikkim nem tüzümsüng aser anentsüh atema Rs 267 aser Nagaland nem Rs 68 crore agütsüogo ta MoS-isa metetdaktsü.

2024-25 (July 31, 2024 tashi) atema Inter-Ministerial Central Teams (IMCTs) tentetogo aser parnoki Mizoram o Manipur nung Cyclone Remal, Assam nung tüzümsüng aser anentsüh aser Kerala nung anentsüh lendongtem asadangdar ta paisa ashi.

Mizoram-i Rs 216.73 crore aser Manipur-i Rs 711.43 crore senotsü talila meshia lir ta MoS Rai-isa ashi.

NDRF nungi senotsü talila meshiba ya inyakyim lateta aliba nung ajemaker agütsür aser state temi khenkhen memeshitsüla meshir ta paisa shisem.

NDRF funds ya long-term rehabilitation aser resettlement atema masü saka tang jongdak yaritsü atema agütsür. Constitution nung Arrla 280 kübok Finance Commissions-i ashiba nung ajemdaker State Disaster Response Fund (SDRF) lemozüksür ta MoS Rai-i metetdaktsü.

Centre sorkari state sorkartem nem instalments kasa ana lemsar SDRF agütsür. Ka June 1 aser ka December 2 nung agütsür ta paisa ashi.

ECI-i Rajya Sabha election agitsü metetdaktsür

Agartala, August 7, 2024 (Agencies): Election Commission of India (ECI)-i Bodbarnü Rajya Sabha election agitsü osang metetdaktsüogo.

September 3, 2024 nü Tripura, Assam, Madhya Pradesh, Maharashtra, Bihar, Haryana, Rajasthan, Telangana aser Odisha nung Rajya Sabha election agitsü ta ECI-i ashi.

September 3 anepdang 9:00 ako nungi voting tenzüksü aser nikongdang 4:00 ako nung tembangtsü. Kasa anogo nikongdang 5:0 ako nungi votes azüngtsü aser iba sülen results metetdaktsütsü ta ECI-isa ashi.

ECI-i candidate tem dang August 21 tashi nung nominations asütsü shiogo.

Assam nung union minister Sarbananda Sonowal aser Kamakhya Prasad Tasa nati Lok Sabha election nung takok anguba ajanga Rajya Sabha menden ana tazüng aküm.

Tripura nung Biplab Kumar Deb-i Lok Sabha election nung toktepa ajanga menden tazüng aküm.

Tan aruya aliba Rajya Sabha election ya Assam aser Tripura atema dang masü saka tanga state tem atema kanga tongtipang kechiyong iba ajanga tarutsü yimtenren jenjang melentsü.

NESO-i PM Modi dang ozüing alema arurtem noktangtsü ayongzüker

Dimapur, August 7, 2024 (TYO): Bangladesh nung tensa mejungi akümba ajanga India-i aser talisa North East region nung ozüing alema nisungtem aruba khuret ajurutsü ta North East Students' Organisation (NESO)-i ashi.

"Bangladesh nung tang tensa majungba ajanga India aser talisa North East region nung timtem ajurutsü kechiyong state pezüi Bangladesh den arrotsütepa lir" ta NESO-i Prime Minister Narendra Modi dangi shidi ka zülüogo.

"Bangladesh nungi ozüing alema nisung shinga North Eastern states telungi maitdaktsütsüsa mapa inyaksüla. Ano, Bangladeshi nunger nisung ka danga North

East region nung asylum mesüra alitsü asoshi temelaba magütsütsüla" ta NESO-i ashi.

India sorkari North East India aser Bangladesh tsüngda arrotsü akakanganga anüktsüla aser ozüing alema arurtem mita reprangtsüla ta NESO-isa ashi.

"North East region nung lisopur kin aika lir aser kin shia nütüsyong yongsük kanga ajema lir aser alemli nungi kin shia ali shitak lateta lir. Tanga linüktem nungi ozüing alema ainertem aruba ali rakteptsü, tashiyim agi sobaliba meyokteptsü, rongsenketzüng tokteptsü aser lisopur o ainertem tsüngda temulung melemtep adoktsü" ta parnokisa PM Modi ashi.

"Ozüing alema arurtemi lokti lennirtem dang nungi temelaba magii lisopur ali nung aliba ajanga telok ana tsüngda tsükchitep atentsü" ta NESO-isa ashi.

North East region nung ozüing alema arurtemi asüngba ajanga tensa mejungi akümtsü, lungkak aittsü aser bendanger o lisopur tsüngda rara adoktsü. Anungji North East India nung lisopurtem ajungtsü aser kümzüka ayutsü atema iba temepishiba shidi zülur ta NESO-i PM Modi dang shiogo.

North East Students' Organisation (NESO) nung state 7 (Assam, Meghalaya, Manipur, Mizoram, Nagaland, Arunachal Pradesh aser Tripura) nungi kaketshir telok 8 densema lir.

Mokokchung-Mariani lenmang atema senden amen

Dimapur, August 7, 2024 (TYO): NH702D Mokokchung-Mariani road tesenzü mejungi akümba atema Mokokchung DC Conference Room nung tanü senden ka menogo.

Iba senden ya Mokokchung Deputy Commissioner Thsuvisie Phoji, NCS menden ser amen aser District Administration, PWD NH, Ao Senden, Contractor- M/s Affluent aser Mokokchung District Truck Owners' Association nübodem aden.

Ao Senden aser Mokokchung District Truck Owners' Association (MDTOA) külem telok kati August 5, 2024

NH702D semdangdang July 30, 2024 nü mezüing senden amenba sülen mapa kecha meinyakba angu.

Mezüing senden nung contractor-i lenmang anepalutsü aser tanga nüngdakba belentsü atema lenmang yanglutsü nangzüka liasü. Iba atema tanü senden nung Ao Senden aser MDTOA-i contractor dang mepelaba metetdaktsü.

Senden nung Ao Senden-isa Mokokchung District aser temeket aliba district temi timtem ajuruba lemsatop aser parnoki iba lenmang den sendaktepa alir ajak dang tekaratiba nung mapa

inyaktsü ayongzüker.

MDTOA-ia Ao Senden den külemi lenmang nung gari tesenzü majungba indang ashi. Tekaratiba nung gari senzütettsüsa mapa inyaksüla ta MDTOA-isa ashi.

NH702D anepalua inyakba mapa nung contractor alitsüsa aser pai ketdangsüa inyaksüsa supervising department-i achayangtsü ta tanü senden nung telemtetba agi.

Senden nungsa contractor dang nübo aser kol talila bener arua mapa inyaksü aser tekaratiba nung gari senzütettsüsa lenmang yanglutsü atema tenangzüka agidaktsü.

Bangladesh Interim Government tanü tezüngzüktep agitsü

New Delhi, August 7, 2024 (Agencies): Nobel prize angur Muhammad Yunus-i anir Bangladesh nung asüing interim government ka akümtsü ta army chief General Waker-Uz-Zaman-i metetdaktsü.

Asüing aonung 8:00 ako nung interim government-i tezüngzüktep agitsü akok ta General Waker-i tanü ashi.

Yunus-i aniba advisory council nung züngsem 15 adentsü akok ta paisa ashi.

Prime Minister Sheikh Hasina atsüngdokba sülen Mongulbarnü Bangladesh President Mohammed Shahabuddin-i arishi küm 84 tain Yunus-i interim government len anitsü shim.

Yunus-i interim government akümtsü atema linüki aruba sülen "democratic process" ajanga Bangladesh len anitsü ta General Waker-i ashi.

"Pai iba mapa inyaksü kanga janrar. Pai asenok democratic inyakyim ajanga anir aotsü ta ni

amanger aser iba ajanga asenok ajangzüksü" ta paisa ashi.

"Ni kidangi meyipa aotsü yongyar. Kechi ataloker aser komaser iba khuret nungi tugutettsü ta ni asadangnür" ta Yunus-i tayimtsü anendak ashi.

Pa tanü Paris' Charles de Gaulle airport nungi Dubai-i apuso ao aser idak nung jagi Dhaka-i aotsü.

Nobel prize angur Yunus-i sensotem dang süngjemtsü ayongzükgogo. "Asenoki ozüing alema inyakra ajunga samatsü" ta pai ashi.

Bangladesh nung Yunus-i nisung million aika sensaktia nungi anitet aser kaketshir lennirtemi interim government ji pa lenisüba kübok inyaksü takhangba agüja liasü. President Mohammed Shahabuddin, army, navy aser air force tekolakpur aser kaketshir lennirtem senden ka amendang iba lemtet agi.

"Yunus nem chief adviser

tenüng jaloktsütsü" ta Students Against Discrimination tanishir Nahid Islam-i ashi.

Bangladesh okadak kati tanü Yunus anema ken o benoka aliba nung pa metentsüogo ta pa lawyer Khaja Tanvir Ahmed-i ashi.

Arishi küm 76 tain Sheikh Hasina-i 2009 nungi Bangladesh nung sorkar yimsü süa aru saka Hombarnü lai Prime Minister nungi anen aser linük toktsür jena ao.

Hasina-i taküm January elections nung tim masüba inyak, meimchir temeten anema inyaksangshi aser kaketshirtemi lungkak aitiba azüoktsü atema security forces nem tashi agütsü ta tai tonglokja lir.

Bangladesh nung hopta ishika lungkak aita arudang nisung noklang aika tepsetogo saka taoba hopta tatemlen sepaitei Hasina anema noktak aser iba jagi la helicopter ka ajanga India nung arua jenoktsüsa tia ajuruogo.

NSACS-i Kohima nung City Barn project tenzük



Kohima nung August 7, 2024 nü City Barn semzükba sentong nung V. Kezo aser Dr. Ahu Sekhose den dangartem noksa nung angur.

Kohima, Luroi/August 07 (TYO): Nagaland State AIDS Control Society (NSACS) ajanga August 7, 2024 nü Kohima nung City Barn-The Health Centre nungja agütsür project ka tenzükogo.

Iba centre ya Commissioner & Secretary, Health & Family Welfare aser Chairman, NSACS, Govt. of Nagaland, V. Kezo-i semzükja liasü.

Census office tsünglanglen Tinpati, High School Road nung iba centre ya amenoka lir, koba ajanga arushi küm 24 nungi tekübok lanur shirnoksa pei health asoshi shisabolur aser pei health aser temang anema aliba indang osang aginer, parnok den sendakteptsü nükjidong nung amenok.

Kezo-i iba sentong nung jembidang City Barn ya counselling centre dang masü saka lanurtem tsüngta sensaksema metetpelateptsü asoshi sapang agütsütsü, ta ashi.

"Ibai lanu putu indang mental, physical aser moral well being kumzuka aser wazuka ayutsü atema nüburtemi shilem agiba tatishitsü tajung ka lir," ta pai ashi.

Lanurtem nem pei senti takum indang jenjang tajungba nung angatetdaksütsü nungdaker, aser iba centre yagi itemji awajema inyaksü imlar,

ta Kezo-i ashi.

Iba project ya Dr. Bernice D. Thapru-i apitet aser National AIDS Control Organization (NACO) ajanga approve süogo, ta NSACS project director Dr. Ahu Sekhose-i metetdaksü.

Iba centre ya nüburtemi sapuba tesem ka akumtsü aser nungdabapur aser talisa lanurtem nem service agütsütsü imlar, ta Dr. Sekhose-i ashi.

Dr. Bernice D. Thapru, Joint Director (Prevention) ajanga Kohima nung aliba school aser college tem dang City Barn project nungya shilem agia facility agütsü ayongzuka liasü.

Iba centre ya anepdang 11:00 ako nungi nikongdang 5:00 ako tashi lapoktsü, ta lai ashi.

Ibai lanurtem takum yimya tajung adokdaksütsü asoshi lir, ibai HIV atema kisung masü, saka temesepba mozü aser moko achitsü yimya sübartem asoshi lir, ta Dr. Thapru-i ashi.

"Onoki mapang shidak nung parnok nem angatetdaksüner. Onoki mapang shidak nung parnok nem osang agütsüner. Onoki mapang shidak nung parnok nem shisa agütsüner, aser iba centre yagi 'sexual & reproductive health' atema special session agütsü," ta lai ashi.

Sentong nung Miss

Nagaland 2022 Hikali Achumi ajanga lanurtem dang City Barn project nungi tajangzük agütsü ajungshia liasü.

Lai lanurtem dang mental health indang mesü-mekonga melie lemsateptsü ayongzük.

Iba sentong nung Lujeka Assumi, Associate Pastor, SBCK ajanga Tsüngrem temoatsü meshia sarasadem, Lerenii ajanga ken ka aten aser Khekato Chophy-i melepzung o jembia liasü.

Iba City Barn nungya counselling services, TI/OST/ICTC, ART, STI, TB, Hepatitis, mental health, adolescent clinic, rehab, SRH services amala agütsütsü.

Iba den In-House Helpdesk facility, Anonymous Q & A facility, screening for HIV, Syphilis, TB, Hepatitis, STI & linkages, GBV aser mental health amala screening agitetsü.

Maneni iba centre nung thematic health sessions, STI & Reproductive health, mental health addiction counselling, testing and treatment, life skills session, career counselling amala agütsütsü.

Kasa City Barn ya Dimapur (Super Market near ANTA office), Wokha (Tsumang Colony, Main town), Tuensang (High School "A" Ward below Akum Imlong School GHSS Road) nunga lir.

Tetsür entrepreneurs atema Business Governance workshop ayongzük

Dimapur, Luroi/August 07 (TYO): Women Entrepreneurs Network Nagaland (WENN) ajanga Department of Industries & Commerce (DIC), Govt. of Nagaland aser SBI den lungjemer Zunheboto district nung tetsür entrepreneurs atema business governance indang workshop ka August 6, 2024 nü ayongzuka liasü.

'Year of Business Governance' omen kübok iba workshop nungja 'Importance of Regulatory Business Compliances & Documentation' ta agütsür Deputy Commissioner, Zunheboto indang Conference Hall nung ayongzuka liasü.

Iba workshop nung wadang balala nungi tetsür

entrepreneurs 55 shi arua aden, kong DIC, SBI aser WENN nungi takotet nisung temi jembia liasü.

Iba sentong nung Regulatory Business Compliances, Trade License, UDYAM & FSSAI Registration, PMFME Scheme aser Financial Literacy amala onüktem nunga kongshia jembia liasü.

NSCN/GPRN ajanga Yangthsase Sangtam mapa nungi anentsür

Dimapur, Luroi/August 07 (TYO): Secretary, Kilo Affairs indang office ajanga Regional Office, United Sangtam Region (USR) nungi recommendation aruba ama

Kiphire jila nungi Hangkimong Sangtam'er jabaso Deputy Kilonser Yangthsase Sangtam linük tenzükba mapa nungi anentsür, ta sangdong ka ajanga ashi.

Linük anemba mapa inyakba nung shilem agiba mechi Yangthsase ya mapa nungi anentsü, ta Ato Kilonser indang office nungi sangdong yokba nung shia liasü.

Mejangjaba nisung tasümang ka nguteta lir

Dimapur, Luroi/August 07 (TYO): Mejangjaba nisung (tebur) ka süchia orr Midland Colony, Dimapur nung longdaka lir ta August 5, 2024 nikongdang 1:20 ako meta Police Control Room nungi telephone ajanga osang ka arua liasü, ta Dimapur Police sangdong ka ajanga ashi.

Iba osang angashir duty party pur arsanga ao aser arishi küm 50-55 shi tain non-local nisung ka polo tula sentsü temoro, vest puipuir aser long pant tanak ka semer nisung memeteti süchia orr mejanga liasü.

Iba sülen nisungba ya District Hospital Dimapur bushia anir ao. Saka August 6, 2024 anepdang 12:13 ako meta iba nisungba ya süogo ta District Hospital

Dimapur nungi telephone ajanga osang aru, ta ashi.

Duty nung alirtem mozüki bushia ao aser iba nisung tasümang nung repringshimba mapang yiruba mesüra temulung melemtetsüsa mapa tamajung inyakba kecha mongutet.

Ozüng agi melaba maparen ajunga tembangba sülen tasümang ya PM examination/jangjatsü atema District Hospital Dimapur Morgue nung yua lir.

Kibur/kinunger/tembar temi Officer-in-Charge, West PS Dimapur den mobile number 7085055024 ajanga tongteprateptsü akok, ta Dimapur Police sangdong ajangasa ashi.

Angh Ganesan-i Metemneo benjong salem lemsatep

Dimapur, Luroi/August 07 (TYO): Yimkhiung kin nungi adianu aser adianutsür tem dangi Metemneo benjong salem abener, ta Nagaland Angh La Ganesan-i sangdong ka ajanga ashi.

Iba tepela benjong ajanga temoatsü, yimchiyimjung aser anema aliba arudakjang ta

sarasademtsür. Nenoki iba tebour tajung sobaliba benjongdang asernoki telungjem aser tesendaktep wazuka yuti.

Külemkejaba, tsüngsang aser benjong chiyong ajanga asen mulung nung tepela agi süngdakja alu junga arutsü asoshi temoatsü jazüksü imla atar, ta Nagaland Angh-isa ashi.



Dr. Vipul Kumar, IPS, IG, CRPF Manipur & Nagaland Sector aser Manish Kumar Sachar, DIG(Ops), CRRF Kohima nati August 6, 2024 nü Raj Bhavan Kohima nung Nagaland Angh La Ganesan den ajurutepta mapang tangokba noksa nung angur.

DEPwD ajanga scholarship balala atema metetdaksür

Dimapur, Luroi/August 07 (TYO): Department of Empowerment of Persons with Disabilities (DEPwD)-i National Scholarship Portal ajanga matamabensar kaketshir nem scholarship asem agütsür.

Itemji Class IX aser X atema Pre-matric Scholarships, Class XI nungi Post-Graduation tashi atema Post-matric Scholarships aser Graduate/Post Graduate Degree mesüra Diploma atema Top Class Education atema scholarship, ta department sangdong ka ajanga ashi.

Iba atema National Scholarship Portal (NSP) nung kaketshir temi registration ya June 30, 2024 nungi tenzükogo. Item scheme indang osang tejangja Ministry indang website www.depwd.gov.in aser NPS (www.scholarships.gov.in)

nung angutsü. Portal nung registration süa application agütsütsü atema Pre-matric Scholarship asoshi August 31, 2024 tatem alitsü aser Post-matric aser Top Class Scholarship atema October 31, 2024 ya tatem alitsü.

Maneni academic session 2024 atema Class I nungi VIII tashi matamabensar atema scholarship (State Scheme) indang online application tasen aser renewal ya August 1, 2024 nü nungi Nagaland indang Common Scholarship Portal nung lapoka lir, ta ashi.

Iba scheme indang eligibility criteria aser guidelines ya website <https://scholarship.nagaland.gov.in> nung angutsü aser application ya November 30, 2024 tashi agütsütetsü, ta sangdong ajangasa ashi.

Form II

NERGS-I Power Transmission Limited



Core-4, Scope Complex 7, Lodhi Road, New Delhi - 110003
SANGDONGER
(Electricity Act, 2003 nung Section 15 indang sub-section (2) kübok)

1. NERGS-I Power Transmission Limited ("NERGS") indang Registered Office ji Core-4, Scope Complex 7, Lodhi Road, New Delhi-110003 nung lir, aser iba ya Companies Act, 2013 kübok lir. Electricity Act, 2003 nung Section 15 indang sub-section (2) kübok NERGS-I application ka ajanga Central Electricity Regulatory Commission, New Delhi dang transmission lines, sub-stations aser tanga assets atema transmission license agüjang ta mepishio, aser osang tejanggaji tsünglanglen agüja lir.

Sl. No	Name of the line/ Sub-station	Line length / Capacity	Levelized Transmission Charges (as application if selected in accordance with guidelines for competitive bidding)	Commissioning Schedule	Remarks
Transmission Lines					
1.	400 kV line bays: 5 Nos. [4 nos. for termination LILo of both circuits of Mida - New Mariani 400 kV D/c line at Bokajan (LILo under this scheme) & 1 no. of 400 kV line bay at Bokajan (ISTS) - Bokajan dedicated transmission line (line is under the scope of M/s APDCL)]	Loop In - 5.688 KM Loop Out - 6.098 KM	Rs. 303.68 Million per annum	31st December 2026	No asset of the Transmission Project is traversing or will be located, wholly or partly, in any cantonment, aerodrome, fortress, arsenal, dockyard or camp or any of the buildings or place in occupation of the Government for Defence purposes. However, please note that the element falls under Seismic Zone V.
Transmission Lines					
2.	400 kV Switching station at Bokajan, Assam (to be upgraded to 400/220 kV level substation in future)	400 kV	Rs. 303.68 Million per annum	31st December 2026	No asset of the Transmission Project is traversing or will be located, wholly or partly, in any cantonment, aerodrome, fortress, arsenal, dockyard or camp or any of the buildings or place in occupation of the Government for Defence purposes. However, please note that the element falls under Seismic Zone V.

2. Central Electricity Regulatory Commission nem agütsüba application tabensa aser tanga documents ji website (<https://www.techno.co.in/>) under Investor -> General Information for access [https://www.techno.co.in/public/uploads/2/2024-08/techno_tl_final_pdf.pdf] nung nisung mashie kati angutsü. Application ji Company indang office, 415/2, 4th Floor, Saffron Enclave, Motorola Building, MG Road, Sector 14, Gurugram, 122001 nunga Mr. Dinesh Parakh ket nung angutsü mesüra Central Electricity Regulatory Commission indang office nunga Central Electricity Regulatory Commission indang inyakyim ajanga angutsü.

3. Tashishiba mesüra tebilemba onük kar danga lira Secretary, Central Electricity Regulatory Commission, 6th, 7th & 8th Floors, Tower B, World Trade Centre, Nauroji Nagar, New Delhi-110029 nem agütsütsü akok aser objection(s) / suggestion(s) copy ka Applicant mesüra authorized agent (Mr. Dinesh Parakh at dinesh.parakh@techno.co.in) nem osangkaket nung iba sangdong agütsüba sülen anogo 15 tsüngda agütsütsüla.

Mr. Dinesh Parakh,
Additional Director, NERGS-I
[Name and designation of the authorized signatory]

Place: Gurugram
Date: 07.08.2024

India-i Bangladesh nung atalokba nungi tansütsüla: Mehbooba Mufti



Mehbooba Mufti

New Delhi, August 07 (Agencies): Bodhbarnü PDP tongti lenir aser taoba mapang Jammu & Kashmir nung chief minister, Mehbooba Mufti-i, Bangladesh nung nüburtemi sorkar anema longkak sashia aitba amai India nunga ataloktsüa akok; India-i Bangladesh nung atalokba nungi tansütsüla, ta ashi.

Osangbenertem den jembidang Mufti-i, "Bangladesh nung kechisa atalokogo, mesüra atalokdar. Iba nungjagi asen linükia tansütsüla," ta ashi.

"Lanur nütsüng aika aliba linük ka nung lanurtem sendokra, osettsüset nung jenjang tura aser mapa manguba ajanga lanurtem kümzüksüla" ta pai ashi.

mejungji kongshira iba ama tensa yangia ataloktsüa akok," ta lai ashi.

"Kijai yimsüsübaji mapang talangka malir ta asenoki tansütsüla. Nüburtem anema mapatong balala aser ozüngtem benokra maremzüktettsüsa akümer, aser nai-a Sheikh Hasina-i jena aoba ama jena aotsüsa akümtsü," ta lai ashi.

Ano külen Shiv Sena (UBT) tongti lenir, Uddhav Thackeray-ia, Bangladesh nung tatalokbatem ajanga alima dang, nüburtem dak tashi tuluba lir, anungji yimsüsürtemi nüburtem kümli metendangtsüla, ta alima dang osang ka sangoktsür, ta ashi.

New Delhi nung osangbenertem den jembidang Thackeray-isa, Ato kilonser Narendra Modi aser Union home minister Amit Shah nati Bangladesh nung Hindu nungertem kümzüksüla, ta ashi.

"Ato kilonser Modi-i Ukraine nung rara anendaktsütet süra pai kasaji inyaka Bangladesh nunga yamaji inyaktsüla aser yangji aliba Hindu nungertem kümzüksüla" ta pai ashi.

September 3 nü Rajya Sabha menden 12 atema election agitsü: EC

New Delhi, August 07 (Agencies): Bodhbarnü Election Commission of India (ECI)-i, Rajya Sabha nung menden tazüng 12 atema Sepatember 3 nü election agitsü, ta metetdaksüogo.

ECI-i, Union Ministers-Piyush Goyal, Sarbananda Sonowal aser Jyotiraditya Scindia nung densema nisung ter Lok Sabha election nung adokba ajanga menden ter azüngtet, ta metetdaksü.

Rajya Sabha elections agitsü atema August 14 nü sangdong agütsütsü aser nomination file asütsü atema tatembangbuba anogoji August 21 asütsü.

ECI-isa, Rajya Sabha mendentem atema September 3 nü anepdang 8:00 ako nungi nikongdang 4:00 ako tashi election agitsü aser kasa anogo

nungjisa nikongdang 5:00 ako nungi vote zünga election agiba osang sangdongtsü, ta metetdaksüü.

Rajya Sabha nung menden 245 lir aser iba nungjagi züngsem 12 bo linük Tiri lenla balala nungi shimmer. Rajya Sabha mendentem ya state balala nung nütsüng sasep nung lemezükja lir.

Rajya Sabha nung azüngteta aliba menden 12 ji Assam nung ana, Bihar nunga menden ana aser Haryana, Madhya Pradesh, Maharashtra, Rajasthan, Tripura, Telangana aser Odisha state tem nung menden kaka lir. Tanüngba menden kaji Bodhbarnü BJD party nungi anensang aser Rajya Sabha nungia anensang, Mamata Mohanta-i azüngtettsüba menden lir.



DMK tentetsang, M Karunanidhi sür küm trok ajungba anogomong nung August 07, 2024 nü Chennai nung Tamil Nadu Chief Minister aser DMK tongti, M K Stalin leniba nung party lenirtemi asür nem akhüm agüja jajadang tangokba noksa nung angur.

Bangladesh yimtiba, Dhaka nungi India nung 400 anir aruogo

New Delhi, Luroi/August 07 (Agencies): Tang Bangladesh nung tensa mejungi aliba mapang nung Air India aser IndiGo tayimtsütem ajanga Bangladesh yimtiba, Dhaka nungi India nung 400 dak tema anir aruogo.

Bodhbarnep Air India tayimtsü ka ajanga nisung 205 Dhaka nungi New Delhi tonga anir aruogo aser Mongolbarnü IndiGo tayimtsü nungi India nung 200 dak tema Dhaka

nungi Kolkata tashi anir aruogo. Air India tayimtsü nungji tain 199 aser kinü tanur 6 (ajak senteper 205) anir aru.

Vistara aser IndiGo indang tayimtsü nungia India nung anir arutsü, ta osang angazükter.

Vistara tayimtsü ya anogo shia Mumbai nungi Dhaka tashi senzür aser hopta shia Delhi nungi Dhaka tashi asembe aoe.

IndiGo tayimtsüa anogo shia khen Delhi, Mumbai aser

Chennai nungi Dhaka tashi aoe aser Kolkata nungibo anogo nung anaben Dhaka tashi aoe, ajisüaka Mongolbarnübo Vistara aser IndiGo napronglai Dhaka tashi aoba tayimtsü service thinena liasü.

Tesüiba hopta ishika Bangladesh nung kaketshirtem leniba nung sorkar anema longkak aita aruba sülen Ato kilonser Sheikh Hasina-i la menden toktsür jenogo.



August 07, 2024 nü Prayagraj nung tzünglu sashia aruba sülen Ganga aser Yamuna ayong nung tzi mobanga ayimba ajanga yimti nung tzümetsünga aliba noksa nung angur.



TIR YIMYIM YIMOBILEM (EDITORIAL)

DIMAPUR YANGTEPNÜ, AUGUST (LUROI) 08, 2024

Tansütsü Lesson Ka

- *Tangsen Lemtur*

Tesüiba hopta ishika Bangladesh nung kaketshirtem leniba nung nüburtemi sorkar anema longkak aita aruba sülen tesüsa Sheikh Hasina-i Ato kilonser menden toktsür ajentsüsa akümba ya ajanga nüburtem dak aliba tashi ya 'atamata tashi masü' ta maneni meimchirtem nem nenshia metetdaksür. Talisa democracy linüktem nung nüburtemi dang longjemmer apusora yimten-yimli laor. Tesüiba küm 16 tashi Bangladesh nung Sheikh Hasina leniba nung Awami League sorkari mapa tajung aika inyaktetogo ta züngshir. Talisa la lenisüba kübok Bangladesh rongsenkettzung jenjang tajungba kümogo, ajisüaka lai tashi tali amshiba den külemi democracy jenjangbo tamajungba-tamajungba dang aküm. Hasina-i aniba sorkar laotsüsa akümba ya talisa lai opposition nem maongka magütsüba aser sorkar anema ola adokertem ola nembangtsütsü merangba agi lir ta bilemer. 2018 küm agizükba Digital Security Act kübok social media aser mass media nung pei tebilemba sadok-sadoka jembitetba temeden nokdang aser iba ajanga yimtenren nung lenirtemi dang masü saka nüburtema aikati la anemtsüsa aküm. Tesüsabo nüburtemi dang opposition shilem agia sorkar anema mapang shia longkak aita aruogo. Mapa mangur lanur million 32 aliba linük ka nung 1971 India-Pakistan rara nung shilem agir chirnur aser semchisemnurtem nem asentenshir sorkar mapa shilem 30 lemsütsütsü telemtetba agiba anema kaketshirtemi longkak ait tenzük. Kaketshirtemi longkak tesashiba aitba ajanga Hasina tetuyuba kübok police-i tali tali amshi aser kaketshirtem teimba ser nisung 300 süogo; August 4 anogo kija nung nisung 100 jungnüa asüba sülen anogo ka dang lirbo lai Ato kilonser menden toktsür ajentsüsa akümba ya lai lasasa sayangtetba lir. Küm ana tejaklen (2012) Sri Lanka nunga nüburtemi sorkar anema longkak aita aruba sülen tesüsabo Tir, Gotabaya Rajapaksa-i pa menden toktsür linük nungi jena aotsüsa aküm. Sri Lanka nung rongsenkettzung jenjang tamajungba dang akümba anema 2022 küm March ita nung longkak ait tenzüka liasü aser July ita tashi nungbo Tir Rajapaksa-i menden toktsür linük nungi jena aotsüsa aküm. Talisa Sri Lanka nung sorkar balalai yimsü süa arudang nüburtem dang saru tali agiba, sorkar sentsühbo teimba-teimba dang akümba, senotsü ketdangsubaren tashi maitba aser bendang linüktem dak dang metaloker sen apua agiba ajanga sentsüh dollar sen billion 51 kümadok. Iba dak alia coronavirus wara mapang nung tourism sector kanga takoksa anguba den külemi sorkari mozü amshia aluyimba nokdangba ajanga chiyungtsü agi kanga anüngaponga nüburtem okrongseta liasü. Item kuli balala nung ajemdaker nüburtemi sorkar anema apuso aser tesüsabo nüburtem tashisa tuluba liasü. Küm ana tsüngda (July 2022-August 2024) kija nung South Asia nung aliba linük ana nung nüburtemi sorkar atsüngdocketba ya alima nung linüktem, talisa South Asia nung aliba linüktem atema tansütsü 'lesson' ka asütsü. Talisa democratic linüktem nung nüburtem timtema asüktema alitsüsa lenirtemi yimsü sütetra nüburtemi oda-odabo maremsütsütsüsa mapang kati meneptsü, aser tang Bangladesh nung atalokba ama ataloktsü. Sheikh Hasina-i tang ajangshiba ya talisa South Asia nung aliba linüktem atema tansütsü 'lesson' ka asütsü.

OLEMSABANG

TANÜ ASENOK TEBUTEPA AGI TELONGJEM NUNG MERA-A AOTSÜ LEMANGLIRDO!

- L. IMLIKOKBA IMSONG, UNGMA

Asenoki jongjonga meshisadanger tang ashi, katia kakia ni tama, nabo iba sülenjiang ta zülutepba ya angudang aser angashidang jogo jongjonga laktetogo. Khristar wadang nungbo ni tama, na tama, pa tama, la tama ta mezüngoktsü südi. Kechiyong shibai Tsüngremi melongba nung teyimi alir ajiang Pa tsüngdang tagizüktettsü alitsü südi ta teti shisadanga aliba iba sabang ajanga lemsateper.

Konang nüngsang aser tetushi arishitepa oboula, obala nunger par-a par mapang letpet tsüngtep tensa agi yamaji tang liyonga aliba tensa nungji Tsüngremi asen tenem kinji apayu südi ta shisadanger. Aji oda alima tatem külen nungi arua Assam lenden nung anenzüka alir Dr. Clark, kinungtsü aser teyaritepertemi tenem kin dangi atutsü asen nisungtem den jembitep aser Süpongmeren-i anir Mulongkimong nungi melongteba liasü ta-sa angazük. Kechiyong tenem kinji ano tekolak bushiba manen liasü nung tetsübu tensa liasü. Item jagi yimsüsür (Mulong) den jembitepber atutsü renem aser parnok Sibsagar nungi Mulongkimongi atudang arkendanger(Security) teperi den Mulong donga atutet. Yimdakji lia aodang Khristan yimsüji agizüka bakti-a Arogoji tezük südi. Namena (detail) zülur masüji aibelena aser zütok-ka alitsü akok. Saka koma tenzük koda oa liasü koma aor aser tarutsü asoshia koda ta shinürba tang.

Küm ishika liyonga arudang aki tsürabur yimsü aser Khrista yimsüji kudasür puteptsü - alimapur aser tamanger naji külemkija, achi achem, amongtsümong aser libaliroji ken agi balala liasü. Anungji balala alitsüsa akum südi. Mulong bo Mulongsasür yimsen kumaadok. Mezüng baktia arogoji tenzükaka tasenbai aor denji ano tasenang (amangbapur) senür item nisungtemtosa agi yimsenji akum südi. Au tasenbaji küm paikaji lir-ang ta tejenbaji iba selenjiangaka ta, saka taseni aorji tejenba nungji Khrista yimsüji magizüki ali asü kela asenok Khrista yimsüji kong, koda aser koma tenzük tajemdakdak makatsüba-a tu. Ao lima tanem tanemi Khrista yimsüji agizükyonga aoa ta angur. Oboula nunger alimapur yimsü o tamanger (Khristan) na yimtsüng shia nungji meputep aliba ajanga okatsüka kongsa koda aser SDO (Sahib nunger) courti okadaki atuba tatalokba aikasa otsü lir. Tetezü tamapur(tamanger) koma timatem, touthi ajuru alitsü ta shisadanger. Kechiyong tanü asenok aliripo ajaki maremlah.

Anungji ka-ang shidak-a ta ka-ang shidaka ta, aser ABAM-i Jubilee ka aruli ka medentsüli, ano Jubilee tanabuba nung ka medentsüli ta tatalokba liaka "JOGO OJANG SÜANG! MULONGKIMOMG, MULONGYIMSEN ASER ABAM".

Ajakji kong koda aser shirnoki Khristan yimsüji agizüka arogoji tenzük 'kenü yongi amongtsü tim'. Asenok Khristan yimsü dak amangertembo tanü alir ya tai temenen ya jogo ojang tang menalokti. Asen Tsüngerme mulongba-a aji tang asütsü südi.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Arogo lenirtemi UK nung rara anentsü ayongzüker



August 07, 2024: Tang UK tesem balala nung rara adokba aser kiojen rongdoktsüba mapang Archbishop of Canterbury, Justin Welby densema Arogo lenirtemi nūburtem dang rara anentsü aser yimjung alitsü ayongzüker. Tesüiba anogo ishika tsüngda police den raraba aser kiojen aika raksatsüba tatalokba dak sendakba nung nisung 100 dak tema puogo.

Rara ajanga tamajungba kongshiba jila aser yimitemji Hull, Leeds, Liverpool, Bristol, Manchester, Stoke-on-Trent, Blackpool, Hartlepool, Sunderland aser Belfast lir.

Archbishop, Justin Welby-i, rara medentsütsü asoshi Khristan yimsü temaitsütem amshiba mesüra Tsüngrem tenüng tetshibaji Arogoi aitsür, ta metetdaksü.

“Akhidang nungi UK nung o sadema jembitsü temeden aser tesünep nung longkak

aittsü sobaliba tajung lir, aser itemji teti wazüka ayutsüla. Ajisüaka rara aser tesempa ajanga minorities anema inyakbaji medentsütsü makok. Muslim nungertem aser linük nung jenoka alirtem taküm kümzüka melitetbaji agizüktettsü makok. Ni nūburtem dang parnok yaritsü mepishir,” ta pai X ajanga metetdaksü.

Archbishop Justin Welby-isa pai Southport nung takoksa angur kibongtem atema sarasademtsür, ta metetdaksü.

“Rara medentsütsü atema Khristan yimsü temaitsütem amshiba mesüra Tsüngrem tenüng tetshibaji Khrista tesayuba anema lir. Itemji kodanga medentsütsü makok aser Khristan kari danga yamaji inyaka lira joko yamaji meinyaktsüla,” ta paisa metetdaksü.

Liverpool nung Anglican Bishop, John Perumbalath-ia

video osang ka ajanga, “Tang ama rara tiyongtsü ka nung asenoki mangyim jashi ajangshidang Khristantem ajak longjemtsüla. Asenok atangji meimchir asütsüla aser kati ka yaritsüla,” ta ayongzüker.

Liverpool nung Roman Catholic Auxiliary Bishop, Thomas Neylon-i, “Asen linük den mapetba tebilemstü balala koktetsü atema tanga lenmang aika lir, anungji asenoki yimjung lenmang ajanga dang inyaksangshitsüla,” ta ayongzüker.

Durham nung Bishop, Sarah Clark-i, “Ozü Arogoia item ama rara aitsür. Takoksa angur ajak asoshi onoki sarasademtsür,” ta metetdaksü.

Southport nung aliba St Philip Arogo nungi Rev. Marie-Anne Kent den St Paul aser Wesley Church-ia prokshia alirtem jenoktsü atema Tenla kitem lapoktsür, ta metetdaksü.

India nung Arogotemi tzunglu agi kongshiba nūburtem yarir

August 07, 2024: India tesem balala nung tzungluruwa mongpu mapang tzumetsung lendong atalokdar aser Arogotemia sorkar den yaritepa inyakdar.

July 31, 2024 nü Kerala state kübok Wayanad district nunga anentsüh lendong tulu ataloka nisung 407 süogo aser nisung 200 shi mangur.

Kerala Catholic Bishops Council (KCBC)-i sangdong ka ajanga, Kerala state sorkari Wayanad nung lemsatetsüba tesem nung Arogoi ki 100 sütsütsü, ta metetdaksüogo.

Arogoisa ki sütsüba sülen kidang nungdakba osettsüset balala agütsütsü.

Kerala nung Arogo balalai anentsüh lendong nungi kümzükerter relief camps nung jenokdaksür yaridar.

August 7 nü osangbener den jembidang KCBC otongdar, Jacob G Palakkappilly-i, “Onoki ajangshia lendong balala rongnung tang atalokba lendong ya tulutibaji liasü. Lendong agi kongshirtem taküm tanaben yangershiba

nung Arogoi yaritsü,” ta metetdaksü.

KCBC-isa Kozhikode district kübok Vilangad yim dak anentsüh lendong nung takoksa angurtem nem-a ki sütsütsü. Iba yim dak ki 13 ponger ao aser ki 45 kanga mejungi raksago. Uttarakhand aser Himachal Pradesh na nunga tzunglu dak sendakba lendong balala nung kiojen jenti raksaba den külemi nisung aika südar.

August 6 nü osangbener den jembidang Uttarakhand kübok Bijnor nung Bishop, Vincent Nellaiparambil-i, “Tang state nung tensa kanga majung. Arogo aser Arogo indang agency balalai state sorkartem den yaritepa kümzükerter maparen inyakba den külemi teyari balala agütsüdar,” ta metetdaksü.

“Onoki chiyungtsü takong, mzo, tzu aser süoshi agütsür,” ta pai metetdaksü.

Himachal Pradesh nunga Arogoi sorkar den yaritepa kümzükerter maparen inyakba den külemi tzumetsung agi kongshirtem nem teyari balala

agütsüdar.

Simla-Chandigarh diocese-i nungdakba oset balala den senotsü tenla bendena tzumetsung agi kongshirtem nem teyari agütsüdar, ta Arogo lenir kati metetdaksü.

Catholic Bishops' Conference of India (CBCI)-ia Uttarakhand aser Himachal na nung tzunglu dak sendakba lendong balala nung asürtem kibongtem den mangyim jashi lemsatetpogo.

CBCI-isa Arogoi ketdangtsüba reju balala dang tzumetsung agi kongshiba tesemtem nung sorkar agencies den yaritepang, ta ayongzüker.

August 7, 2024 nü Indian Meteorological Department (IMD)-i Himachal Pradesh aser Uttarakhand na nung tzunglu maneni arutsü, ta metetdaksüogo.

IMD-isa Uttar Pradesh, Madhya Pradesh, Nagaland, Manipur, Mizoram, Tripura, Assam aser Meghalaya state tem nunga tzunglu sashia arutsü, ta metetdaksüogo.

ANOGO ABEN TSÜNGREM DEN

Nenok Tesangwa

“Yamaji, nisungi nenok mapa tajung ngua, kotak nung aliba nenok Tebu sentsüwangshidaksütsü asoshi, parnok madang nenok tesangwa jungkai adokdakjang.”- Matt. 5:16.

Ammang nung tesangwai ayaba nung kecha aibelen mali. Tesangwai tasü itta pa aliba kuli asür aser tashi itta ammanni aridoker. Tsüngremi na Pa tesangwa agi sünga lidaktsüner. Ne taküm nung Pa adenba aser Pa ain aliba ne taküm kuli agi jangja jangjaa nai kuli südaktsüner, idangji na meketa aliba takümtem nung ammanni aliba Tsüngrem sentsüwangshi tesangwa jagi aridoktsür.

Aji oda süaka, alimaji tammangba tammangba akümer, ammanni taittsü! Ibaji ammanni kechi inyaktsüla aji inyaker dang. Ammanni taneptsüji tesangwaji dang lir. Alimaji tammangba kümra, tebilemstüji ammanni masü. Tebilemstüji tesangwa nungji lir. Yisui Pa nütsüngtemji "alima tesangwa" asütsüla ta ashi (Matt.5:14). Koda tesüngmangtsü mapa- Tsüngremer tesangwa rongnung ka asütsü aser meketa alirtem nung ammanni aridoktsüba! Pa arutsü metetdaksü dang. Yisui ashi, "Ammang nung alirtemi sangwa tulu ka angu, aser tasür lima aser tasüba akhüm nung mena alir dangi sangwa adok."

Yisui alimai arutsü memetetba mali asü ! Ammanni süshidaksür! Yisui aolen ajak nung tasü itta Tsüngremer ochiba sangdong, aser temenen pur taidok angu. Tebui Pa chir ajanga Pa tesangwa alimai bener arur külen alimaji akhi aliba ama mesüi aküm. Na atema yamaji shitetsü asü? Ne dak aliba tesangwaji külen inyakerter angur asü? Ner kibong nungi Yisui aliba tesangwaji lokti nem tesangwa agütsür asü? Kodang na ajanga Tsüngremer tesangwaji nenok dangi yokdir aser sangwatsüdir, na meketa aliba ammanni süshitsü.

Odisha nung Khristan 120 Hindu yimsü dangi tanaben meyipdaksüogo

August 07, 2024: Odisha adenshiba sülen tribal state nung Koraput district Khristantemji Hindu yimsü dangi meyipdaksü, ta ICC-i metetdaksü.

Iba sentong nungji kibong 19 nungi tebur 83 kangshia Hindu yimsü dangi meyipdaksü. Iba dak alia tetsürtem aser tetsür chanutem-a kangshia Hindu yimsü dangi meyipdaksü.

Osang angazükba agi, tawa Hindu yimsü dangi meyipdaksür karbo parnok tsürabur/tetsü-tebou nungertemia Khristan yimsü amanga aru.

Hindu yimsü alia amangertem aser sorkar ketdangsertemi tribal Khristantem nemji sorkar schemes kübok jang aser menjang ama teyari balalai magütsü aru. Iba dak alia Hindu lenirtemi yim dak tzu nunga Khristantembo tzu metetdaksü liasü.

Hindu telok Vishwa Hindu Parishad Dharma Prasar züngsemtem tekülem ki ka nung

AO OSHI ANGAZÜKDAK: TANÜ ANGAZÜKTSÜBA OJANG



Talapula

(adj) salepsari, nüngdak makaba o jembiba (licentious)

* Talapula jembir nisung den memedemtsüla.

Talem

(adj) tatsüka masü, temekonga masü (warm)

* Asükwa nung sü talem abener mejanger.

OLONG PAITEP # 6869

Grid for crossword puzzle #6869 with numbered squares.

TIPIEN

- 1. Inyaker ajangetba - (3)
3. Bangsemo adokdak - (5)
6. Shitak mesüi inyak - (7)
7. Ya mimong nung angur - (3)
9. Reprangzük - (4)
10. Tasola - (5)
11. S ____ - (4)
13. Yagi ajak ashiochtsür - (3)
15. Ki aokba oset - (7)
17. Ak shi nung inokba tasen - (5)
18. Ishika - (3)

LANGTSÜNGLEN

- 1. Meshidak - (3)
2. Tanaben soshir - (7)
3. Iba anogo - (4)
4. Meshi - (3)
5. Yagi mi tsükloker - (9)
6. Shi tapu ka - (9)
8. Yagi ayimer saka ozü masü - (3)
9. Ajokba shiruru ka - (7)
12. Inyaktet - (4)
14. ___ hi - (3)
16. Akümüli nungi pilar - (3)

OLONG PAITEP # 6868 TELANGZÜBA

TIPIEN :

- 1. Telok, 4. Aluru, 6. Ozüng, 8. Emk,
9. Kin, 10. Teti, 12. Süir, 13. Jen,
14. Ola, 16. Talak, 17. Mazük.

LANGTSÜNGLEN :


- 1. Tenükjang, 2. Luden, 3. Kiochtsü,
5. Lenti, 7. Tajangzük, 11. teronem,
12. Sempa, 13. Jahaz.

NAI-A YA METETTER MA



Indian Music Composer aser 3X Grammy Winner Ricky Kej-i Guinness World Record ka yanglutetogo. Ricky Kej-i Indian living legends ayongtepa Indian National Anthem tendaktsüogo aser iba den külemi Dr. Achyuta Samanta den yaritepa Odisha nung lisopur tanur 14,000 choir kati shilem agi. Tanur choir-i Kalinga Institute of Social Sciences in Bhubaneswar nung kenji aten. Iba recording ya August 14 (Indian Independence anogo jakdang) nikongdang 5:00 ako nung streaming platforms, YouTube aser Ricky Kej indang social media accounts ajak dang sayatsü.

Kuki-Zo tsürtemi Assam Rifles post jakdang lungkak aiter



Imphal, August 7, 2024 (Agencies): Assam Rifles agienba anema Kuki-Zo tsürtemi Kangpokpi District nung Assam Rifles Post jakdang lungkak aitba sentong ka tenzükogo.

Committee on Tribal Unity Sadar Hills kübok tetsürtemi Mongulbar nikongdang nungi lungkak aittsü tenzük.

August 2 aser 3 anogotem Kuki-Zo nungeri Gamgiphai nung sentong tulu ka ayonga agi aser idangji Prime Minister aser Union Home Minister dang Sadar Hills nungi Assam Rifles anienba meyipa reprangshitsü mepishia liasü.

Assam Rifles aliba ajanga iba tesem nung tensa azüoka ayutsü aser nübortem kümzüksü ta parnoki ashir.

Sorkari Assam Rifles

agientsüba mapa inyakra parnoki lungkak tuluba aittsü ta Kuki-Zo nungeri metetdaksüogo.

Iba tebilemtsü atema Kuki-Zo tsürtemi mezüng mapa tenzükogo aser Kangpokpi nung 22 Assam Rifles Post jakdang parnoki sepai senzüsenbongba nung tenük yoker.

Kuki-Zo tsürtemisa Saikul, Leimakhong aser Motbung nunga kasa mapa tenzüksü sentong lir. Assam Rifles meyoktsü aser tangar nem parnok memelenzükdaksütsü atema tetsürtemi iba mapa tenzükogo.

Kuki-Zo tsürtemi 22 Assam Rifles post jakdang "Assam Rifles - Friends of the Hills People", "Don't Remove Assam Rifles" amala yimiyimtem ayima lungkak ait.

"Kuki-Zo tsürtemi Sadar Hills ajungalen lungkak aitba sentongtem agitsü aser district nung Assam Rifles posts ajak nung parnok meyoktsü atema mendangtsü" ta Committee on Tribal Unity (CoTU) spokesperson Ng. Lun Kipgen-i ashi.

"Kuki-Zo nunger ya yimjung meimertem lir aser taremsük. Temeim Modi nai onok nem tim masüba mapa teinyakdaksü" ta Kipgen-i Prime Minister Narendra Modi dang mepishio.

"Prime Minister aser Union Home Minister Amit Shah naprongi Assam Rifles agientsüba lemtet meyipa reprangshitsü ayongzük. Iba ama tongtipang mapang ka nung parnok agienba ya shisamaka aser tim masü lir" ta paisa ashi.

Kaziranga National Park nem inflatable rubber patrol boats 20 agütsü

Guwahati, August 7, 2024 (Agencies): Assam Chief Minister Dr Himanta Biswa Sarma-i Kaziranga National Park and Tiger Reserve nem inflatable rubber boats with outboard motors 20 agütsüogo.

June ita Kaziranga National Park and Tiger Reserve atema senden ka amendang Forest Protection Force-i shikarir mita aotsü atema patrol boats tasentem meshi aser anogo 60 majungdang agütsüogo ta CM

Sarma-i ashi.

"Assam nung tourism ajungkettsü aser rongsenketzung renloktsü atema Tata Group den Memorandum of Understanding (MoU) ka nung sign süteptsü. Iba tesentaktep ajanga Kaziranga National Park nung world-class tourist facilities yanglutsü" ta Chief Minister Sarma-i ashi.

"Assam Tourism atema tongtipang anogo ka. Kaziranga National Park nung world tourist

facilities bener arutsü atema onoki Tata Group den MoU nung sign süteptsü. Assam sorkari mapang tatsüka tsüngda hotel yanglutsü atema yariteptsü" ta pai ashi.

"Kaziranga nung tourism ajungkettsü atema anenzükdak tajung alitsüla. Tanü Kaziranga nung hotel tajung maliba agi nisungtem manenzük. Taj hotel lapokba ajanga tourist temi anogo ishika anenzüksü aser iba ajanga Assam nung tourism ajungkettsü" ta Sarma-isa ashi.

Dibrugarh University yanglushitsü atema Rs 200 crore lemsüksür

Guwahati, August 7, 2024 (Agencies): Dibrugarh University nung infrastructure renloktsü atema state sorkari Rs 100 crore aser Centre-ia New Education Policy kübok Rs 100 crore lemsüksüogo ta Assam Education Minister Ranaj Pegu-i ashi.

Senotsü ajanga academic hostels, laboratory equipment aser tanga facilities yanglutsü aser PM-USHA scheme kübok Multidisciplinary Education and Research University (MERU) ka kümdaktsütsü ta Pegu-i ashi.

"Onoki Vice Chancellor, Registrar aser Heads of Departments den Rs 200 crore amshitsü atema roadmap ka yanglutsü jembitepogo" ta Minister Pegu-isa ashi.



"Dibrugarh University yanglushitsü atema architect tajung ka nem design südaktsütsü" ta paisa ashi. Dibrugarh University nung

taküm kaketshir 6,000 lir aser sports facilities dena ajungkettsü. Sorkari kobi melii Detailed Project Report ka sayatsü imlar.

Nüburtem süngjema alitsü kanga ajungshir: Muhammad Yunus

Dhaka, Luroi/August 07 (Agencies): Bangladesh nungi Nobel Prize angur microfinance pioneer Muhammad Yunus, shibai interim government anitsü lir, pai linük nung süngjema alitsü ayongzüka liasü.

Kaketshir lenirtemi arishi küm 84 tain Yunus den jembir mapang tatsüka tsüngta linük anitsü shim, shibai nisung million aika makamait tia nungi anitet. "Asenoki asen takok tasenba ya tajungtiba nung amshiti. Asen aibelenba mechi ibai asen kabu nungi modaktsüli. Nisung ajak dang süngjema alitsü kanga ajungshir. Imlibilema azüdokshi mapa ajunga nungi pila liang," ta Yunus-i Bodhbarnü sangdong ka nung ashi.

"Ni kaketshir ajak, political party tem aser non-political nisung ajunga dang süngjema alitsü ayongzüker. Ibai tebour tajung asen lima lir, kong teinyaktetsü mapa jenti lir. Asenoki kumzüka ayutsüla aser asenok aser tarutsü putu asoshi jangratemsü linük kumdaktsütsüla," ta pai ashi.

Tir Mohammed Shahabuddin, army, navy aser air force tekolaktem aser kaketshir lenirtem senden amenba nung Yunus ya interim government lenir ama shimtsü telemteba agi.

"Parnoki interim government ka kumtetsü aser Professor Dr Muhammad Yunus ya tekolak asütsü telemteba agi. Tiri nüburtem dang iba mepetmesü nungi linük anitetba nung yaritsü nüburtem dang ashi. Meppetmesü nungi anitettsü asoshi kanga kera interim government kumtetsü nungdaker," ta Shahabuddin indang office ajanga sangdong ka nung ashi.

Yunus nem chief advisor tenüng agütsütsü, ta iba senden nung adenba Students Against Discrimination lenir Nahid Islam-i ashi.

Yunus ya tang Europe nung lir aser Brehostibar nikongdang Dhaka-i meyipa shilangtsü lir ta ashir. "Bangladesh nung mapa inyaktsü nungdaka lira, kü linük aser ozü nüburtem asoshi ni inyaktsü," ta pai sangdong ka nung ashi.

Pai ita ishika tsüngta election shidak agitsü ta ashi aser putu tasen lenirtem dang shilem agitsü ayongzüker.

Nisung meyirijang aika

Dhaka yimti-yimtung sünga adenshia arishi küm 76 tain Hasina ato kilonser menden nungi alutsü akhangba mapang Hombarnü lai iba menden nungi alua liasü.

Sorkar mapa nung quota atema sentong ka mechi ita ka jakdang Bangladesh nung kaketshir temi longkak ait tenzük, saka Hasina anema nokdaka aser Hombarnü la mapa yutsür jena ao.

Ita ka dak tema longkak aitba mapang nisung noklang aika tepset saka hopta tatemlen mitkar temia Hasina anema nokdak aser la helicopter ka nungi India-i jena ao.

MULUNGNEN O



Aso:
19/06/1948

Asü:
02/08/2024

Lt. Lanurenla (Longsa)

Onoki teti meima aliba ojala ajungbena akümüli wadang tempangba mapang kija, kibong aser lokti balala shirnokisa nübu, rongsen, shisatsü aser sarasadem agi yaritepogo, nenok ajak dang kangasa mulungnena pelar aser nenok teyaritep mapa tajung kodanga mamatsü. Teyanglur Tsüngremi nenok ajak maneni moajangma

- Temeim Kinungbo, Chirnur, Semchirtem, Anükapang aser Kinunger.

Hamas lenir inyaktsü Yahya Sinwar shimogo



Doha, Luroi/August 07 (Agencies): Doha nung anogo ana jembishinüba sülen Hamas-i par lenir inyaktsü Yahya Sinwar shimogo, anungji pai

lenir tekolakba inyaka arur. Tang pa iba telok indang political wing lenir akumtsü.

Hamas lenirtem ajungai mulungtepa iba movement anitsü atema Sinwar shim, ta Hamas lenir kati osangbener dang ashi.

Middle East nung tensa kanga tamajungba akumba mapang iba osang ya sangdonger, kechiaser Iran aser par tembar linük temi Haniyeh tepsetba atema tayang kepzüksü amokmerena lir, koba Israel dak tenüng asener. Israel-i telangzüba kecha agüja mali.

Hamas lenirtem dener par telok tekolak shimtsü atema Doha nung anogo ana senden

balala mena liasü.

Lenla balala asadanga jembir aser tatem nung tenüng ana dang benok, Yahya Sinwar aser Mohammed Hassan Darwishm shiba Hamas indang Politburo shimba General Shura Council nung tekolakba liasü.

Council ajanga vote agütsüba nung ajaki mulungtepa Sinwar shim, aser ibai Israel dang tasü ita tashi mangaba temaitsü ka lir, ta Hamas ketdangsür kati ashi.

"Parnoki Haniyeh tepset, shiba tangatettep atema mulunga liasü. Tang parnoki Sinwar aser mitkar lenirtem den jembitsü," ta ketdangsüri ashi. (Maneni tapak 8 nung...)

LOST NOTICE

The original Provisional Land Patta belonging to Shri. Tsuktinungsang Longkumer, Aoyimkum Village, Dimapur, Nagaland Patta No. AOY/VCM/REV/94 Dated 1-5-2009, bearing Patta No 531 has been lost.

IF FOUND PLEASE CONTACT : 9436006062.

Nepal kübok Nuwakot district nung helicopter ka tsükok; nisung 5 asü

Kathmandu, Luroi/August 7 (Agencies): Air Dynasty helicopter ka Bodhbarnü Nepal nung Nuwakot district kübok Shivpuri tesem nung tsükok, ta ketdangsürtemi metetdaksü ogo. Helicopter ya Kathmandu nungi apuso aser Syaphrubensi-i oya liasü, ta local media sangdong balala ajanga metetdaksü.

Helicopter ya senior captain Arun Malla-i ania liasü aser apusoa aoba sülen minute asem dang lir ground staff den tesendaktep makai aküm. Iba chopper nung China nunger pezü aser pilot densema nisung pongu mener liasü. China nungertem ya Rasuwa-i oya liasü, ta local media sangdong ajangsa metetdaksü.

Tribhuvan International Airport (TIA) nungi source temi ashiba agi, iba

helicopter ya Bodhbarnü Kathmandu nungi 1:54 shi nung apuso. Chopper ya Surya Chaur atongba sülen 1:57 ako shi nungbo ketdangsürtem den tesendaktep makai aküm. Helicopter tsükokba tesem nung tekümzükba maparen benoka inyakdar. News agency temi ashiba agi, pilot densema chopper nung mena aliba passenger ponguprongla iba lendong nung süogo.

Chooper tsükokba Surya Chaur tesem ya Kathmandu anasa dang lir aser Civil Aviation Authority of Nepal (CAAN)-i ashiba agi, lendong atalokba sülen parnoki Prabhu helicopter yoka liasü. Police ketdangsür kati ashiba agi, pilot Arun Malla den tebur ana aser tetsür ka tasümang chopper tsükokba tesem nung

ngutetogo. Tasümang ka tang tashi mejangjai lir, kechiyong iba tasümang ya kanga mejungi ronger lir, ta Myrepublica sangdong ka ajanga metetdaksü.

District Police Office, Nuwakot nung Superintendent of Police (SP) Shantiraj Koirala, shiba chopper tsükokba tesemi oa liasü, pai tasümang pongu ngutetba jangjatsüogo.

Saurya Airlines tayimtsü ka July 24 nü Tribhuvan International Airport nung tsükokba sülen tang iba chopper ya tsükokogo. Iba tayimtsü tsükokba lendong nung nisung 18 asü aser captain dang kümzüka liasü. Tang iba helicopter tsükokba ajanga Nepal nung tayimtsü senzüsenpongtsü atema tebilemetsü tali küm daksüogo, kong küm ishika tsüngda tayimtsü kanga tsükoka arudar.



सत्यमेव जयते
Ministry of Information and Broadcasting
Government of India



55th International Film Festival of India, Goa
20th - 28th November, 2024

55th INTERNATIONAL FILM FESTIVAL OF INDIA, Goa

INDIAN PANORAMA, 2024

ATEMA TEJANGRARTEM JAOKER

Feature & Non-Feature Films

Eligibility

Central Board of Film Certification (CBFC) ajanga film certification agütsüba mesüra Completion of Production ya August 1, 2023 nungi July 31, 2024 tsüngta alitsüla.

Film ajunga subtitles ya English nung alitsüla

ONLINE applications agütsütsü atema anogo tatemji

12th August, 2024 nikongdang 6:00 ako tashi

Regulations aser Entry Form atema yangi angutsü:
www.nfdcindia.com/www.iffigoa.org

Indian Panorama, 2024
National Film Development Corporation
Ministry of Information and Broadcasting
Government of India
NFDC - FD Complex
1st Floor, Old Building
24, Dr. Gopalrao Deshmukh Marg, Mumbai 400 026, Maharashtra
Tel: 022 2353 3275/2083 0471
Email: indianpanorama@nfdcindia.com

Mokokchung nung 3rd Inter-ward volleyball tournament tenzükogo



Mokokchung, Luroi/August 7 (TYO): Ajaki yongaa ataba 3buba Mokokchung inter-ward volleyball tournament 2024 “forging champion” omen dak rangloker Augst 7 nü yangi Multi-purpose sports complex, Mokokchung nung asaya tenzükogo. Iba asayamung ya Mokokchung District Volleyball Association aküm nung Kumlong Sporting Association-i ayongzük.

Taküm iba asayamung marok shir ward-i bendir, mezügbuba jenjang nem senpet sen 30,000/- aser tanabuba nem 20,000/- agütsü. Iba den nija senpet itemi – Best Setter, Best Spiker aser Player of the Tournament shima senpetsütsü, ta tayongertemi metetdaksügo. Iba asayamung ya Aug 9 tashi asaya-a amungtsü.

Taküm iba asayamung nung Mokokchung town kübok ward 8-i shilem agitsü lir. Pool ana kümer asayatsü. Mezüng Pool ‘A’ nung – Kumlong, Mongsenbai, Lijaba Lijen aser Artang ward ta alitsü, aser Pool ‘B’ nung – Sungkomen,

Marepkong, Penli aser Alempang ward-tem alitsü. Mokokchung District Volleyball Association tir, Imtipokyim-i sentong nung tayongzükba o jembidang, iba asayamung ajanga volleyball asayar lanurtem nem sabang lapoktsüba den yangi nungi asayar tajung adokba ngua pelaba metetdaksü.

Nagaland nung Inter-district asayamung nung Mokokchung district-i champion 11 ben metangdangi bona lir. Iba ya talisa asayartemi meranga asayaba den iba ama asayamung ayongba ajanga lanurtem pei sempet arangshitsü sabang peria angubayong lir, ta ashi.

Tawa north-east nung asayamung ka asayadang, Nagaland team nung Mokokchung nungi parnok 7 tashi shimoka shilem agia liasü aser item asayartemi yangi shilem agiba ngua pelar, maneni pei asayaba telok den Mokokchung district aser Nagaland state nem tenüng tajung bener arutsütsü nükjidong tajung yur asayatsü

paisa ajungshi. Volleyball ya pei sempet sayuba den jakla yimya tendanga asayaba asaya ka lir, yangi telungjem aser tangatetba nungdaker, tang ya alima dang pei sempet tajungtiba sayutsüba mapang ka lir, anungji, ne dak aketba sempet/jakla tajungtiba agi shilem agitsü MDVA tirisa ayongzük.

Kumlong Sporting Association ya 2016 küm Kumlong Ward Yimden aküm nung tentet. Iba telok tentetba ya tongtibangsa lanur saisabonger adokdaksütsü nükjidong lir. Tenzük arudang Mokokchung district kübok lenla balala nung lanurtem saisabong tsütsü akokba tashi ajungshia arur. Inter-ward volleyball asayamung ya volleyball asaya tsütsü lanur sempet aketertem tera tashi ia ajungshitsü nükjidong nung taküm agi kümsembuba ayonger. Iba ya kümshi asayaba asayamung ka kümdaksütsü meranger. Ya tenzük talangka masü saka asayar pungu (5) tashi district/state player adokogo.

Olympics: Vinesh Phogat final asayatsü lia disqualifiedy sütsü



Luroi/August 7, 2024 (Agencies): Vinesh Phogat shibai otsü tasen ka yanglua Olympics nung India tsür wrestler tem rongnungi mezügbuba final-i ia liasü, la temang tozük talila kümer aliba ngutetba sülen 50kg freestyle final asaya nungi disqualifiedy sütsügo.

Final asayatsüba anogo official weigh-in mapang Vinesh ya 50kg dang nungi gram 100 agi timba kümer liasü. La disqualifiedy sütsüba sülen la tetsür 50kg event nung ponglang nung tembangtsü aser la nem medal kecha magütsütsü.

Cuba tsür Yusneylis Guzman Lopez shiba Vinesh-i semifinal nung tsükdakja liasü la India tsür Sarah Ann Hildebrandt den asayatsü.

Japan tsür Yui Susaki aser Ukraine tsür Oksana Livach na Repechage match asayatsü aliba ya bronze-medal match akümtsü.

Final asayatsü anogo ka lia

Vinesh indang temang tozük kg ana agi timba kümer liasü aser tema tozük tajemba kümdaksütsü atema aonungsangwa inyakogo. Osang ajanga ashiba agi, Paris nung India nung ketdangsürtemi temang tozük talila gm100 aliba ya ajemshidaksütsü atema Vinesh nem mapang talila agütsütsü mepeshi saka magizük.

Osang ajangsa, Vinesh khu tera mejeptok aser Bodhbarnü weigh-in masü tsüngda azüa tera agizüka liasü, ta metetdaksü.

Olympics asayatsü ita ishika lia Vinesh weight category 53kg nungi 50kg-i melentsüsa aküm, kechiyong Wrestling Federation of India-i 53kg category nung tokteptsü atema Antim Panghal nem temelaba agütsü.

Iba asayamung nung Vinesh-i Japan tsür Susaki tsükdaksü, shiba asaya 82 nung khen danga tamakok mongui asaya liasü.

Subroto Cup: Nagaland team-i Air Force goal 2-0 agi akok



Kohima, Luroi/August 7 (TYO): 63buba U-17 Subroto Cup 2024 nung Bodhbarnü Nagaland tetsür team-i Air Force School goal 2-0 agi kokogo. Iba asayamung ya Ambedkar Stadium, New Delhi nung asayadar.

Asayamung nung Nagaland tenüng nungi Government High School Mereima-i shilem agidar.

Asaya nung Nagaland atema mezügbuba goal ya Xangyao Konyak-i minute 20buba nung idaktsü aser asaya tanabuba shilem nung Air Force-i own goal ka idaktsüba sülen Nagaland tetsür team-i asaya goal 2-0 agi koka liasü.

Iba asaya akokba sülen Nagaland team-i point 4 ngua lir aser parnok August 8 nü tatemsa Sainik school den asayatsü lir. Nagaland team mezügbuba Home Mission School I Mizo BN NCC Aizawl den asaya goal kaka danga magütsüteti kasasa nung tembanga liasü.

Temetetsü kaji telok ajak nungi temaba jenjang nung tembangba team knockout stage tem atema qualify asütsü. Nagaland team ya Pool-G nung NCC, Sainik School, aser Air Force School den ata lir.

Ajak senteper iba asayamung nung team 34-i

shilem agidar. Team tem ya telok ti küma lemsar lir, kong Sri Lanka aser Bangladesh nungia team tem arua junior girls category nung shilem agidar.

Iba asayamung atema Nagaland team coach ji N. Bijim Konyak aser team manager William Koso lir.

Nagaland team nung asayartem:

Lhuvokulu, Rokothono, Kekhriekuono, Xangyao Konyak, Khuloik Eviphenuo Semou, Khrieletuono, Mhalo, Peteneinuo Khoubve, Leye, Sangki N, Medovinuo, Kekhrieseno, Medozhano Tsureishe, aser Nounevino.

BENDANGLI OSANG : Tapak 7 nungi...

Hamas lenir inyaktsü Yahya Sinwar...

Ismail Haniyeh ya masü dang region nung diplomats temi Hamas nung dangar dang nungi tejangjaba lir ta shia liasü.

Yahya Sinwar ya Hamas indang lenir tesashi ka amai züngshir. Tang Israel indang most-wanted list nung Sinwar ya tematiba jenjang nung lir. October 7, 2023 lendong ya pa indang tasa lir ta Israel indang security agency temi amanger, kong nisung 1,200 dak tema tepset aser nisung 251 pua bener Gaza-i ao.

“Ismail Haniyeh melena Hamas lenir tasenba ama kiralongrar tetsüti Yahya Sinwar shimba ajanga alima nungi iba telok tekeratiba nung samatsütsü kuli tasen ka sayur,” ta Israel Foreign Minister Israel Katz-i social media sapang X nung ashi.

“Yahya Sinwar ya kiralongrar ka lir, shibai puti

otsü nung kiralongra mapa tamajungtiba inyak,” ta Israel Defence Forces odongtar Rear Adm Daniel Hagari-i osangbener dang ashi.

Taoba küm October ita Israel south tsütsü amakba sülen Sinwar ya yimjak nung mangur aser pa ya Gaza nung “10 storeys underground” nung atsüka lir südi ta amanger, ta US Secretary of State Antony Blinken-i June ita shia liasü.

Sinwar ya Gaza nung aliba Khan Younis refugee camp nung 1962 küm aso. 1980s tatemlen pai Hamas security service Majd tenteta liasü.

Pa arishi talangba Israeli jail nung ali aser 1988 küm pa tasemben apuba sülen tepuokdak arishi tepiyong alitsü obendang agütsü. Ajisüaka Israel sepa Gilad Shalit melen 2011 küm Israel-i Palestine ase Israeli Arab prisoner 1,027 chiokba nung pa dena liasü.

BILEMDANGANG
 “Tamakok ajak ya takok nung shilem ka lir.”